

Carta de Judas

Kjibokwo ère tara Judasdë

Kjibokwo ère sorë

Domer shäng kjlara ko Judas. Kjone kjone tjëlë ga e Jesús oppingga tak pjang Lucas 6.16 go, Hechos 1.13 go bakoe ìe. Kjone kjone obi tjëlë ga e Jesús lëng, Santiago dik, tak pjang Mateo 13.55 go, Marcos 6.3 go bakoe ìe. Gueniyoy miydëy pjîlú ga kjibokwo ère taga, e Judas Iscariote ìlëme.

Eshko dbaryo ga no kjone kjone to löng tjîlökwo bek ìlëm ìi ìë, Jesús tjîlökwo kjaragaga ìi jyäpgwe e go wlo. E kjîshko ga kjibokwo ère tara Judasdë, Jesús tjîlökwo kjaragaga ìi ber löng sjëk ba tjok wlo.

¹Kjibokwo ère taga tja Judasdë. Tja Jesucristo parkaga. Tja Santiago lëng. Nopga rokara Sbörë löng ìi, kjibokwo ère ichër jek bomi kong. Pjây woyde Data Sbörë ara, ga pjây de Jesucristorë.

²Rokër Sbö kong ga pjây songe ìe ìyado, pjây ie ber löng wlep, pjây woyde ara bakoe.

Nopga wotjîlik owa wleniyo

³⁻⁴Pjeyoga, woydoror ga shji dëra Sbörë beno löng sorë ìi roy lër bomi kong kjibokwo ère go. Gueniyoy kur ga tjîlökwo ichër jek bomi kong oblë kjîluwe. No kjone kjone wotjîlik ga owa pjang bi go ìi löya Sbörë ber dret ba wopjîlú ìi kjîshko kuzong ga shji ìlëbo owa shäryë ga pjîlúe ìe. Epga opyono beno löng bi Tjîlapga, bi pjîluyoy Jesucristo ìi wloyo. Nopga eniyo, e shdungko. E tak beno pjang Sbö tjîlökwo go eni dëna tjän. Ga eerishko ga nopga eniyo kjone kjone opzrëno löng bomi tjërëko, pjây jyäpgwe wlo ìe. E kjîshko ga rokër bomi kong ga tjîlökwo roy pjîlú ìi wlikozîa. E twaga Sbörë beno ba nopga kong pjîlaraso, ber ìyado wlo.

⁵Ìlëbo kjone kjone woyoshër woydë bomi kong, e miydëmi löng pjir gueniyoy. Dënashko ga Israel tjëyoga shira Tjîlapgarë tek Egipto kjokyo dwayo irgoshko ga kjone kjone mär ba go ìlëm ìi pjira drete. ⁶Dënashko ga ba parkagaga kjok dogo so kong pak twara Sbörë oblë oblë. Gueniyoy kjone kjone omrayono. E kjîshko ga pjîrira Sbörë dröng sho go, iara beno löng

kjok ro sī roy, äär jong ba līgwezlong dbaryo lishko. ⁷Dēnashko ga Sodoma sopga, Gomorra sopga, kjok shto oblē oblē löng ba soshko sopga, e pono no orkwosmono ba tjok llēm li tjok ara, ga llēbo shāryako llēm li shāryara lōk oblē oblē bakoe. E kjishko ga shduna Sbörē iök go, beno nopga owa shdüya iök pjē jong ri ri sjer llēm shtoyo li go iyado wlo li miydoklo.

⁸Nopga owa löng bomi tjrēko li, e llēbo shāryē eni bakoe. Llēbo shārye löng owa ba doyo go, lara Sbörē ba kong yoshko le kjishko. Wotjlik lōk ga ichaga ērē llēme le, ga kjok dogo sopga läywe lōk owa bakoe. ⁹Sbō parkaga kjok dogo so kägāyo Miguel ēmdē ga ēnglono kar kar Ä tjok, Moisés doyo li kjishkoshko ga Ä läywara owa sira ēmdē llēme. Eshko ga tjlē ba kong ga «Pja wlongga ber Tjlapgarē» le ba kong eni erōe.

¹⁰Gueniyo nopga ērera, llēbo läywe lōk owa oblē oblē, gueniyo llēye läywe löng li, e llē miyde löng llēme. Epga so öng llē kjoyo, llēbo shārye ga woyotjliya llēme. Wotjlik tjwe llē li shāryayde erōe. Ga ba pjikklo li e.

¹¹Epga opshāryē owa, Caín dik. Llēbo shārye llē pogo, dbur shak wlo, Balán dik. Ga Sbō kolē lōk llēm kjishko ga llono ga pjir, Coré dik. jE kjishko ga epga song jlōe!

¹²Pjāy tön, iē ēng tjok, pjāy wopjlú Sbō tjok kjishkoshko ga llēbo shārye lōk owa li lökyokjre lōk llēm, gueniyo bomi kong ga llēbo owa wlēni, e ber lökyo ara bomi kong bakoe. Epga opwoyotjlik löng om go erō, öng daga opsēng om go erō wlēni. Llēbo le lōk ara, gueniyo llēbo pjlu shārye lōk llēm, pjäng sho roshko di llēm, bakwe pjlukdē llaw pogo wlēni. Eye kjimte llēme. Kjor bo kjrozlong dbaryo ga kjor llē botjyono llēm ga e llēno llēm, kjētong jong wlēni. Eshko ga shiy ba slēng tjok. Enira kjētong jlōkoyo. Nopga ēre so e kjoyo bakoe. Eye kjimte llēme. ¹³Epga so dlung iöya dbo ara kjoyo, llēbo owa shārye li igöy welē, dlung bung sho wlēni. Epga so dbala jēk ba irbo bäng llēm kjoyoe. Epga löng shdungko kjok ro sī anmoyō li roy iyado wlo.

¹⁴Dēnashko ga domer shäng kjlara ko Enoc. E tjok ga Adán tjēyoga tek beno ba irgo li öötong kjringgwo tjer (6). Eshko dbaryo ga Enoc tjlēno nopga ēre kjishko. Tjlē ga «Tja kuzia! Llono ga Tjlapga Jesús tjwe ba parkagaga kjok dogo so ara tjok, shtēy ga äär llēme. ¹⁵E tjwe nopga uunkong līgweaga, nopga owa li shdunga, llēbo owa shāryara kēs li kjishko, tjlokwo lara lōk owa ba kjishko kēs li kjishko bakoe» le. ¹⁶Nopga ēre kjloshtë llē pogo kjishko, llē pogo läywe owa bakoe. Jēk löng ba wotjlik owa li go erä. Krē lōk ara om goshko, ga oblē jyāpgwe lōk tjlokwo wolēso go, llēye woyde li wlēya wlo.

Pjāy sjēke

¹⁷Pjeyoga, llēye lara Sbō tjlokwo roy lagaga bi Tjlapga Jesucristo āskarē bomi kong li, e woyoshrozia. ¹⁸Tjlēno lōk ga «Kjok pjir lēshko ga nopga Sbō tjlokwo joywē ä wlēniyo wen tjwe, ga jēk löng ba wotjlik owa li go» lara lōk eni. ¹⁹Nopga eniyo löng bomi tjrēko, bomi shdögaga ber löng dboy dboy wlo li epga. Epga go Sbō Sēya llēm, jēk löng ba wotjlik owa li go erä.

²⁰Gueniyo pjeyoga, pjāy ɛng kjimtos mār Sbō go jek kēgong kēgong. Pjāy syōshtë Sbō kongshko ga pjāy kjimtaga ber ba Sēyarē. ²¹Pjāy woyde Sbōrē ara, ga pjāy songe lē bi Tjlapga Jesucristorē bakoe. E kjīshko ga llonog ga pjāy ie Sbōrē ber lōng sē iyado ba tjok. E koshēmi lōng wopro ga tjlōkwo ɛre woyoshrozīa. ²²Ēye, tjlōkwo kjrēy wlo li kjone dey miyde llem ga e songe lozīa. ²³Ēye, tjlōkwo bek llem li kjre woydē kjwlē ga dōzī, nopga tek shiy iōk roy dwayo wleni. Llamoga songe lozī, gueniyo pjāy sjēk, pjāy opshāryē baiya dik llem wlo. Woyotjlīzī ga llēbo owa shāryara li kjīshko ga ba shwong ɛmdē ga beno owa, porwako llem wleni.

Kjibokwo pjirzlong

²⁴⁻²⁵Sbō bi dōga, e erōe. Pjāy kjimte dir llem wlo ga pjilūe. Pjāy ie āār ber lōng ba bokshto ga pjilū bakoe. Eshko ga pjāy pogo llēye dret, pjāy wopjlū anmoyō bakoe. Bi Tjlapga Jesucristo kjīshko ga e iēy ber bi pjiluyo kēsbang, tjwlō ara, dbo ara iyado. Ber eni.